

ROLAND MUSTA

8915-1

M 98

NËPËR  
AGIME

8915-1  

---

M 98

ROLAND MUSTA

# NËPËR AGIME

(Poezi)

LIBRARI E SHKËTIT  
TË SHKËTIT

~~46503~~  
13858

SHËTËPIA BOTONJËSE «NAIM FRASHËRI»

## PERSËRI

1.

Agimi çeli tej në horizont  
Me buzëqeshje  
Sheshi i madh u ngjye mëngjezi,  
nga zërat zhurmëron,  
Përsëri në udhët na thërresin.  
Derdhu buzëqeshje nëpër fusha  
Se rinia  
vërshoi në aksione,  
Llampa dhe pëllumba  
mban në duar  
Të ndriçojë guvat  
edhe honet!  
Kështu ndodh gjithmonë  
me rininë  
Që hedh shtat aksioneve të blerta,  
Dhe përhap në maja krenarinë,  
Kur ngjit vrullshëm  
lartësitë e kthjellta.

2.

Ti e di,  
tani erdh sërish vera  
Dhe ne do shkojmë  
të parët në aksion.  
Ku mbi supe  
flamujt shpälös ëra  
Dhe qyteza zjen  
gjer natën vonë.  
Të kujtohet vitin e kaluar?...  
Sa traversa shtruan mbi trase,  
Dhe kur vrisje ti të voglat duar  
Mua,  
të menduar shpesh më pe...  
Flinim në baranga pupuliti  
Që me duart tona,  
vetë i ngritëm.  
Dhe të kaltrat ëndrra i fladiti  
Era,  
që harlisej me dritën...  
Me ne ish dhe cuca malësore  
Që zbriti nga rrafsh' i Dukagjinit  
Me 'të këngës  
sa herë ja mora,  
Kur së bashku në qytezë vinim...  
Ajo ra...  
dhe ne mund të binim  
Tek rritej traseja e lartë,  
Dhe rininë  
përjetësisht ta linim  
Përmbi tokën tonë si dhuratë.  
Ti e di,  
ky është ligji ynë.

4



## PARTISË SIMË

Më thërret koha  
të shkruaj  
poema të reja,  
Ku fark' e revolucionit  
çdo varg të ndrisë,  
Këtu unë frymëzimin e gjej,  
Në epokën e madhe të partisë.  
Dyndje mendimesh  
vërshojnë rreth meje,  
Si formacionet e ushtarëve në luftime,  
Të gatshme për front,  
pa rënë buria,  
Armikun të vrasin me predhën e parë,  
Të mbetet i shënjtë  
ideali,  
partia!

\* \* \*

Kohrat pollën regjime,  
mbretërira  
Dhe me gojën e tyre të lashtë  
i përpinë,

Në kohrat që erdhën  
Revolucionet gjëmoi breshëria,  
lindën

## PARTINË.

\* \* \*

Si skulptori që gdhendi veprën me daltë,  
Ku të gjallë shohim  
të renë aktiviste,  
Mendim' i partisë  
i thellë,  
i qartë,  
Mbi atdheun gdhend  
të ardhmen komuniste.  
Motet me erëra,  
ditët me shtrëngata  
Ty të hodhën mbi kokë  
veç brymë vitesh,  
Por forca jote frëngëllon si shpata,  
Arterie ke popullin,  
përpjetë do rritesh!  
Në ritmet e kuqe të pesëvjeçarëve,  
Në fishkëllimat gri të sirenavë  
Fjala jote shpërthen si fishekzare  
Mbi tokën e lashtë,  
ndrit kulmet e antenave,  
Dhe kaq dritë s'panë kurrë këta male,  
Kaq këngë,  
bukë  
dhe krenari,

Diva sot janë bërë hidroçentralet,  
Që shpërndajnë gëzimin  
jugë-veri.

\* \* \*

Unë jam ushtar agjikator,  
Njeriu i shqetësuar  
i alarmeve,  
Për të mbrojtur ty  
dhe trollin arbëror  
Supit me kallo mbaj rrypat e armëve.  
Si ta vazhdoj më tej këngën për ty,  
Kur t'i mbart kaç heroizma,  
Që gërshetohen me jehonën partizane...  
Ndofta të këndoje aq mirë nuk di,  
Por luftëtar,  
unë jam  
dhe në tufane.  
Marshojmë.  
Gjithmonë përpara,  
me ballin lart  
Agime ngjyrë flake  
për në vijnë,  
Partia—  
vullkani më i zjarrtë,  
Partia —  
konstelacion vigan  
për Shqipërinë!

1966.



## KAM BUSULL TË NDRITSHME

Jam ndalur shpinë kodrës të pushoj,  
I dirsur prej marshimeve të gjata,  
Si nga kurrize devesh po vështroj:  
Qielli i kaltër digjet... zbret nata.

Hëna rrëshqet si anije antike,  
Që velat i mbenë diku në beteja.  
Unë eci mes shtigjesh t'egra  
epike,  
Mbi tokën e lashtë  
mbart ëndërra të reja.  
Kam busull të ndritshme,  
s'më duhen yjet,  
E di pikndodhjen,  
ku do jem në mëngjes,  
S'më trembin guvat,  
s'më ndalin pyjet,  
Me pushkën mbi sup  
agimet përshëndes!..



## KËNGA USHTARAKE

Jam midis ushtarëve të thjeshtë,  
Që më duan  
dhe kaq shumë i dua.  
Ndai më sheh, atdhe, me ta në rreshta  
Mbrëmjeve të purpurta  
të tua.

Po,  
Si komandant  
unë jam i rreptë,  
Se në gjak e kam të kërkoj rregull,  
Dhe për vogëlsira s'jam i qetë:  
Por, transhen e gjej  
edhe në mjegull.

Më ke parë, shok, dhe në stërvitje,  
Në thëllim e shqotë më ke parë,  
Kur mbi borë zë pozicion për qitje,  
Dhe pastaj me radhë gjithë ushtarët.

Është e bukur sot jet' e ushtarit,  
Se mbi sup mban kazmë edhe pushkë,  
Që t'i japim gjallëri ugarit,  
Që ta bëjmë pjellor malin si fushën.

Ja këtu mes njerëzish,  
në punë,  
Kur kërcasin drizat përmes flake,  
Gjithë e freskët çeli dhe tek unë  
E sigërtë këngë ushtarake!

1967.



## ...NË DHOMË

Lindin mendimet  
në dhomën time;  
Po këto çaste  
dua të nis dy vargje  
në jetë,  
Shoku im qep qaforen në xhaketën  
e përhimë,  
Ndërsa radioja  
jep lajmet,  
Komunizmi troket  
entuziast  
mbi planet!

## NË KËTË QYTET

Gurët e ashpër të këtij qyteti  
I vura në themel të këngëve  
dikur.  
Dhe këtu më lindën  
të gjitha dashuritë  
Që hodhën shtat të shëndetshme  
si fëminia.  
Tani dëgjoj hapat e rënda  
që dikush troket...  
Unë bredh me heronjtë e poemave të mia  
Mbi kalldrëme,  
sonte  
në këtë qytet...

## ATË QË DOJA...

Atë që doja  
Vetëm një herë e ndoqa pas.  
Një ditë,  
Një vjeshtë.  
Kur moti kish fshehur kaltërsitë  
Si vajza dashurinë e fshehtë...

Atë që doja  
E ndoqa pas një ditë,  
Një vjeshtë,  
Dhe tani buron nga thellësitë  
Kjo këngë e largët,  
e thjeshtë...



## POEZI

Unë shkruaj poezi,  
Që mes njerëzve  
të ulet këmbëkryq.  
Me ta,  
si shok i mirë  
kudo të jetë,  
Dhe mua  
të më shpjerë te të gjithë;  
Kështu si jam,  
i dashur,  
i singertë.

Poezi —  
agjitatore e fortë e partisë  
Qëllon zjarr për zjarr,  
Si këmbanë revolucioni  
na mbledh,  
e thërret!  
Mendimin e struktur  
anemik  
Zhurit  
Si fletërrufetë!

## ÇAST

I vështirë është çasti i ndarjes,  
Këng' e ndarjes është e vështirë,  
Si t'i them unë sonte vullnetares,  
Mirupafshim, apo lamtumirë?

Ndarja e pashmangshme qëndron sonte  
Pas ugaresh,  
tjetër shteg na pret.  
Pse mendohe kaq, moj leshrabjonde,  
Me shqetësime mendjen pse e vret?...

I vështirë qenka çasti i ndarjes,  
Fjalëve të fundit iu ndjej afshin;  
Do, t'i them unë sonte vullnetares  
Në të tjerë aksione mirupafshim!

## MË THËRRESIN UDHËT...

Nesër do iki, nesër do iki,  
Atdheu më rriti për udhë,  
Mbi spond të maqinës  
i pari do hipi,

Kur krahët  
i tundin flamurët:

Qytezë, e dashur qytezë,  
Si u bëmë kështu,  
të pandarë,  
Të zgjova me këngë  
kaq mëngjeze,  
Më thuaj tani...  
«Udhembarë!..»

Nesër do iki, nesër do iki,  
Atdheu më nisi për udhë,  
Koha,  
motivet e pastra do rriti,  
Që mblodha te ty,  
hekurudhë.

## ... TE MALËSORËT

Mbrëmë ishim te Prenk Deda,  
Të çuditshëm malësorët tanë,  
Duhanin dhe barutin në xhep  
Përzier bashkë i kanë.

Lindi një vocrrak mbrëmë atje,  
Të qarën përshëndeti zil' e mushkës,  
Xha Prenka buzëgas i uronte:  
«Deka t'kjoft në gryk të pushkës!..»

1966

## VALLEZO VOGËLUSHE

Unë e lashë vallëzimin përgjysmë,  
Se n'ato çaste  
ashtu duhej lënë,  
Dhe në shtigje të tjera më nisën,  
Ku çdo hap më ndiq  
e bardha hënë...

Ndaj vallëzo vogëlushe, e qetë,  
Largoi mendimet e kota,  
Unë do vij si një stinë e blertë  
Pas një dimri të egër ndër shqota.

## KËNGA VULLNETARË

Ndënë fërfëritje flamujsh  
Mijëra duar token,  
Dhe brohorasin mijëra vullnetarë,  
Të begatë do ta bëjmë tokën  
Me vrullin tonë,  
vrullin djaloshar.  
Kazmat shkëlqejnë përmbi supe,  
Kjo armatë e re  
aksioniste,  
Me fjalën e partisë  
kudo sulet  
Drejt shtigjeve të nderura —  
komuniste.  
Vështroj me krenari shokët e dirsur  
Përkulur përmbi brazdat e ugarit,  
Sikur vështroj atdheun më të rritur  
Nga hovi i rinisë që ngjitet malit.

Kaq të qeshur sot ata më duken  
Tek thërrojnë shkëmbinjtë me nxitim,

Ky është aksioni ynë  
i madh për bukën,  
Ndaj malet i sulmojnë me guxim.

Ndënë harqe, kazme, kumbon kënga jonë  
Për tokën, që me djersë po e ngjeshim,  
Dhe radhët si ushtarë i shtrëngojmë,  
Që kënga të jehojë brez pas brezi...

**TARRACAT**

Në qoftë se malet do thinjen nga vitet  
Si luftëtarët në t'ashprat beteja,  
Tarracat që hapi ushtria  
Në shekuj do mbeten të reja!..

1966



Shënim: Nëse kjo poezi është e re, ajo është e re.

Shënim: Nëse kjo poezi është e re, ajo është e re.

### **TREGIM AKSIONI**

Shënim: Nëse kjo poezi është e re, ajo është e re.

Këtu hedh rrënjë tregimi im;  
Ku vend ka zënë travers' e parë,  
Ku shtynim karrot me një frymë  
Dhe t'ashprat duar i kam vrarë.

Netve kur muzgjet pinin ujra  
Dhe shkisin larg në perëndim,  
Ne ngrinim skelat përmbi ura,  
Ku zgjatej kënga pambarim...

Qëllonin ditë me suferina,  
Por kazma  
mbi ylber ngrihej,  
Se toka priste në gjoks shinat  
Si trimi armët  
dhe pajimet!

Vrapuan ditët si pulbardha  
Tek rritej ëndërra  
që shpërthente;

Dhe çdo agim na gjen në radhë  
Sikur të ishim monumente!

Këtu kaq shumë u dashuruam  
Me punën,

tokën

~~YKORIZ!~~ edhe njerëzit,

Mbi çdo kuotë

një flamur shtuam,

Si krenari

e këtij brezi!

## FLAMUJT LART, RINIA IME

(Komandantes dhe shokëve  
të mi vullnetarë)

Mahmudie, Mahmudie,  
Sa të duan vullnetarët,  
Ti je bërë midis tyre  
Shoqe e ngushtë,  
e pandarë.

Pas çdo shtegu  
nëpër turne  
Ti kudo vrapon e para,  
Hyn e del nga vjersha ime  
Porsi filladi nëpër ara...

Nata hedh yje me grushta,  
Yjet ecin mbi trase,  
Tunden shallet ndënë gusha,  
Vrapon larg një këngë e re.

Prozhektori ngjyen mbrëmjen  
Me flurudhën portokalle,  
Ku rinia shpalos ëndërrën  
Më të hekurt,  
më të madhe!

Flamujt lart rinia ime!  
Mbi trase  
monto portretin,  
Ndizi ngjyrat si agime,  
Gdhende vetë monumentin!...

Komandante, komandante,  
Ti do mbetesh midis nesh  
Porsi zjarret partizane,  
Zjarr i ri  
me ne do jesh!...

## **VIZION**

Ti do të bëhesh poet i dëgjuar,  
Vogëloshja më thoshte një herë.  
Që ahere

shumë kohë ka shkuar  
Dhe malit  
ka fryrë.  
tjetër erë

Rendëm nëpër gjurmë heroizmi  
Vatrave të njerëzve tanë,  
Dhe në male  
zjarre të rinj ndiznim,  
Kur marshonim porsì partizanë.

Shtigieve të egra hodhëm farë  
Nuk e ndamë nushkën nga parmënda,  
Dhe i deshëm kaq me shpirt ugaret  
Sa i shihnim shpesh dhe nëpër ëndërra...

Me ditë e net  
ndenjëm zgjuar

Dhe me njerzit u pleksëm,  
u shkrimë.  
Toka përmbi mal  
duhej lëruar,  
Përmbi mal  
ne mbronim  
dhe kufinë!

... Në u bëfsha poet i dëgjuar,  
Nëpër vargje,  
ndjenjat  
do më mbinë.

Dhe nga netët që po rrimë zgjuar,  
Malet do ta shtojnë krenarinë.

## KËTË TOKË

Në këtë tokë,  
Ku gërshetohen milionë heroizma  
gjeneratash  
U thërmua tradhëtia,  
dhe socializmi  
i zjarrtë mbeti,  
Këtë tokë.  
që ka çarë historinë  
me fringëllimë shpatash,  
Sot,  
si dinstinktiv të kuq  
në gjoks e mban planeti!

1966.

## VARRI I VETMUAR

Ky varr i vetmuar nazisti  
që dergjet

me një nën ollakën e murme,

Urrejtjen e madhe

ma nxiti

T'ja derdh

të hidhur

si plumb

Kur zbriti,

pse erdhi? —

E dimë!

Ckërmiti dhe dhembët

e mprehtë,

La gjurmët me gozhdë

mbi lëndinë

Ku bari

iu bë bajonetë.

Dhe armët i zbraz

i egër

Tek toka jonë zemërmirë,

Na skuqi tërfilin

e gjelbër,



Mbi lulet  
kaluan zinxhirët!...  
Kur flaka e luftës  
u shua  
Nazistin  
kjo tokë  
e strchoi,  
Dhe balta e vendit  
të huaj  
Përpjetë mbi trup,  
i rëndoi.  
Ka mbetur ky varr i vetmuar,  
Tek zverdh bereqeti i jugës,  
Si njollë e kohës së shkuar  
Trofe  
e urryer  
e luftës!

## DUKE ECUR NDANË DETIT

Dielli i kuq mbi det varet kurorë,  
Si mbi një gjoks vigan dëshirash,  
Valët çelin larg luleborë,  
Dhe m'freskojnë mendimet në sfond ngjyrash.

Dielli zbriti tej në horizont,  
Kur vala e najlontë e spërkat,  
Unë, që ndanë detit eci sonte  
S'mund të rri pa thurur ndonjë varg...

Muzgu u shpalos ngjyer në bakër  
Horizonti si minierë digjet,  
Gjoksin ma fladit ajër' i pastër:  
Të pashkelur

s'do t'i lemë shtigjet!  
Vala bregun rreh me tërsëllimë  
Këng' e detit  
oshëtin që larg,  
Deti ngjan kaq shumë me rininë  
Se ka shpirt të hekurt,  
luftarak.

Këtë breg të bruztë  
ku treten valët,  
Gjaku, porsi ujët e ka larë  
Se vërshuan egër  
dikur vandalët,  
Dhe nga përleshjet,  
lindën lapidarë!  
Duke ecur sonte ndanë detit,  
Një botë mendimesh  
mbart mbi vete  
Si monument lavdie këtu mbeti  
Heroizmi i gdhëndur ndër vjete.

Udha zgjatet tutje ndënë muzgje,  
Ku shkëmbinjtë val' e rreptë i mpreh  
Jo, thjesht udhëtar  
unë s'mund të quhem,  
Kur për detin  
ngrë një këngë të re!...

## YJET PARTIZANE...

Mblidheshin rreth zjarrit nëpër natë  
Bisedonin për një aksion të ri,  
Dëgjonin komandantin fjalëpakë  
Dhe zemra u ndizej  
si yjet në kaltërsi.

Rreth zjarrit rrinin të rreckosurit  
Cigaren e gjatë  
ndanin në qetësi,  
I harronin dhimbjet  
të plagosurit,

Dh qielli zjarret  
i shihte me zili...  
Koha rrodhi nër male  
e shtigje,

Qielli zjarret  
i futi në gji,  
I mori me vete.  
Sot,  
po të vëresh, n'udhëkryqe  
Kanë zbritur yje  
mbi monumente!...

## Motive Nëntori

### «ENVER - MAO CE DUN!...»

Enver - Mao Ce Dun, buçasin megafonët,  
Ka ardhur në Kongres gjithë Shqipëria,  
Kjo thirrje bie si bombë përmbi fronet  
Ku rri e drithëruar borgjezia...

Enver - Mao Ce Dun, kudo sot po dëgjohet;  
Dhe nuk përmbahet hovi,  
krenaria!  
Gjithë bota nga kjo thirrje  
lart çohet,  
Vështron si projektohet lumturia!..

**DUKE DËGJUAR RAPORTIN  
E SHOKUT ENVER...**

Duke dëgjuar raportin e shokut Enver,  
Sikur vështroj me sy  
gjithë Shqipërinë,  
Dhe vargu im  
fluturon gjer në eter,  
Në ballë puth agimet që po vijnë!..

## DELEGATI DHE VOGËLUSHJA

*(Kushtuar delegatit S. Musta)*

Një copë qiell me yje ke në gjoks,  
Ndaj kurioze të sodit fëmia,  
Ti buzëqesh,  
dhe s'mund t'i thuash dot...  
Për dekoratat  
që të dha Partia!...

Nëntor 1966

## LAPIDARI

Është ulur diku përmbi kodër,  
Në ballë një yll i ka çelur,  
Ka zbritur nga shtigjet këtu më i fortë,  
Sikur në zjarr pret për t'u rihedhur.

Dhe s'do t'ja dijë për motet me gjëmime,  
Në ballë të kodrës  
krenar ai ka mbirë,

Dhe ndodh shpeshherë të bjerë në mendime  
Për tokën e shtrënjtë  
me njerëz të mirë.  
Na ngjan sikur me ne del nga transheja  
Dhe pozicionin zë si luftëtar,  
I gatshëm, i paepur për beteja  
Qëndron ky partizan,  
ky lapidar!



## ATO VININ

Ato vinin ngarkuar me pajime,  
Fytyra e skuqur  
u nxirrte avull,  
Sikur të kishin lindur për marshime  
Vraponin,  
edhe pushkë mbanin krahut.  
Braktisën qetësinë,  
bulevardet  
Dhe u futën në të blertat radhë,  
Shkelën baltra,  
ngjitën monopate  
Porsi krahë lumenjsh, të pandarë.  
Shpejtonin ngarkuar me pajime  
Gratë tona,  
gratë shqiptare;  
Sikur të kenë lindur për luftime,  
Sikur të kenë lindur  
thjesht ushtarë.

## NË UZINËN E TRAKTORAVE

Lëvizin agregatët e rëndë me zhurmë,  
Furra elektrike hap gojën e zjarrtë,  
Nga tubat ngrihet një avull i murrmë,  
Derdhet në forma metali i artë.

Harku elektrik u ngjyen fytyrat  
E ashpra,  
të dirsura  
punëtorëve,  
Zien nga vrulli,  
përflaket në ngjyra  
Uzina e re e traktorave.

Vareja godet mbi detajet e kuqe,  
Përhapen shkëndijat si meteorë,  
Në brazda do futen më shumë plugje,  
Atdheut do buçasin traktorë.

Vinça zgjat krahët e saj të fuqishëm

Mbi ne,  
ngre lart mineralin,  
Erdha këtu si punëtor i përditshëm,  
Që nga tornua e mendimit  
Vargje  
të hekurta të dalin!

Lëvizin agregatët e rëndë me zhurmë,  
Detajet e skuqur rreh shtruar vareja,  
Traktorë dhe grurë do ketë më shumë  
Në fushat tona të reja.



## BABALLARËT

Ata kthehen gjithmonë nga puna  
Ashtu të urtë,  
të menduar.

Mbi ballë kanë brazda me rrudha,  
Në zemër,  
një zjarr të pashuar.

Baballarët i duam me shpirt.

Ata bënë luftën!

Dhe në këngët tona  
përjetësisht

Me thjeshtësi partizane  
u futën...

## SKËNDERBEU

Ai rend nga thellësitë  
e kohrave  
Mbi kreshta lavdie,  
i përflakur  
Sikur të mbrojë stinën e të korrave  
Nga armiqtë e mundur,  
të përgjakur.  
Vrapon sërish mbi kalin luftarak  
Dhe tradhëtinë  
në pluhur  
e rrëzon,  
Vështrimin si flurudhë  
e ngul gjer larg,  
Ku skuq dhe feks  
përtej në horizont.  
Potkojt trokojnë  
e ngrënë lart duman,  
Nga heroizmat  
shpatat vetëtijnë,  
Çdo gjurmë  
dhe përleshje në tufan  
Një trandafil të kuq  
hedh mbi Lirinë!

Kështu vjen  
Si një lavdi Skënderbeu ynë  
Ushtarët trima që s'shterron kurrë,  
Me këngë, pas i rrinë  
heshta dhe flamurë...





Dhe gjumi të zë shpesh  
ashtu mbi shkresa?..  
Ti mund të flasësh,  
shumë mund të flasësh  
Citate të mësosh për natë,  
Dhe prapë të mos jesh në gji të masës  
Dhe prapë  
do të quhesh burokrat!...  
Nuk ke besim te njerëzit,  
Pse të tmerron rinia?..  
Kudo të ngjan sikur thëresin:  
«Hej burokrat,  
s'të mban më skrivania...  
... Ti mundet ashpër të godasësh  
Nomet,  
martesat me shkesa  
Dhe prapë të qëndrosh  
shumë larg prej masës,  
Dhe jetën ta vështrosh  
ashtu nër shkresa...»

## PASQYRA E LËNDËS

	<b>Faqe</b>
Përsëri .....	3
Partisë sime .....	6
Kam busull të ndritshme .....	9
Në zbor .....	10
Kënga ushtarake .....	11
Një mbledhje .....	13
Në dhomë .....	14
Në këtë qytet .....	15
Atë që doja .....	16
Poezi .....	17
Çast .....	18
Më thërresin udhët .....	19
Te malësorët .....	20
Vallzo vogëlushe .....	21
Kënga vullnetare .....	22
Mësuesja .....	24
Tarracat .....	26
Tregim aksioni .....	27
Flamujt lart, rinia ime .....	29



**Tirazhi 2000 kopje**

**Format 70x100/32**

**Stash: 2204-65**

---

**Shtyp NISH Shtypshkronjave «MIHAL DURI»  
Stabilimenti «8 NËNTORI» — Tiranë 1968**